



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

De auersis a deo. cap. 11.

urn:nbn:de:hbz:466:1-35578

viuas, quantum potes ad illum qui viuificat mortuos, te verte. Nam & mortui audient vocem filiꝝ dei, et qui audierint, uiuent, modo ne tardes tibi iam in morte posito quærere salutem, dum inueniri potest. Fugit tempus, dies aduentat extremus, atque hic fortasse crastinus est aut hodiernus, et tu tibi tutum putas differre turpis vitæ correctionem? noli iuuentæ confidere, omni ætati communis est mors. Nec prosperæ valetudini crede. Quidam dum rident, dum iocantur, dum cum alijs colloquuntur, repente concidere. Pelle igitur moras omnes, et prauas cupidines de pectore proijcere festina, atque de spelunca latronum fac domum orationis, in qua habitare dignetur Christus. Hoc pacto qui nunc nouissimus es apud deum, iam inter primos computaberis. In nouissimis erant Matthæus, Zachæus, latro, sed conuersi ad dominū, primi facti sunt. Matthæus reliquit teloneum, et fit apostolus. Zachæus auaritiā largitate mutauit, et salus facta est domui eius, cum Christum suscepisset hospitio. Latronem aliena per vim rapuisse pœnituit, et saluatori se commendans, meruit de cruce transferri in paradysum. Audi Christum clamantem. Venite ad me oēs q̄ laboratis et onerati estis, et ego reficiam vos. Hinc tu tandem ad vocantem conuersus, dic. Iniquitates meæ supergressæ sunt caput meum, & sicut onus graue grauatae sunt super me. Tunc ille occurrens tibi, protinus te omni fasce liberabit, & expeditum ad se trahere incipiet, vt q̄ flagitijs coopertus mergebaris in profundum, iam his omnibus emūdatas ascendas in cælum.

Iohā. 10

Matth. 11

Psalm. 37.

De auersis a deo.
Cap. XI.

ET cum tanta felicitas sit eorum, qui ad deum conuersi mores suos corrigunt, non ambigimus æque grandem esse miseriam illorum qui obdurantur. Prædica, argue, obsecra, increpa opportunè, importunè. Nihil proficis, cum in spinis, quæ se-

- mentem verbi dei præfocant, seminas, vel super lapide, vbi semen radices agere non valens, arefcit, vel in via, vbi conculcatur & atteritur. Coram praua afuetudine corruptis hominibus, quoties de deo, de sanctis, de vitæ honestate incidit fermo, corrugant nares, contrahunt frontem, os distorquent, vultum auertunt, & taciti etiam dicere videntur. Durus est hic fermo.
- Iohan. 6** Quis potest eum audire? Tales erant pharisæi illi ac leges periti, quorum scelera cum argueret dominus, ceperunt (vt Lucas ait) grauitè infistere, & os eius opprimere. De quibus in Iohanne conqueritur Saluator, & ait, Non potestis audire sermonem meum. Dextera igitur aure carent, ne honesta audiant, veluti Malchus ille, cum a Petro vulnus accepisset. Is tamen adduci ad Iesum vt curaretur sustinuit. Isri vero peruiacius auditum obrurasse videntur, vt aspatis, ne intelligant vocem sapienter incantantis. Quod si vltra eis præcepta salutis ingerere perseueraueris, indignantur, & iam in contumeliam prorumpunt. Totus in peccatis natus es, inquit, & doces nos? Vnde autem fit, quod tam obstinato proposito caelestem aspernentur disciplinam, parabola euangelij de nuptiis recitata docet. Ad quas inuitati quoniam venire noluerunt, alius (inquit) abiit in villam suam, alius ad negotiationem suam. Delicta quippe huius seculi, & ipsa terrenarum opum cupiditas, auerunt animum a caelestium contemplatione, & caduca bona æternis præferre compellunt, quia hæc futura expectantur, illa vero præsentis voluptati deliniunt. Ita, vt quæ nondum habentur, iam vel non esse omnino, vel haberi non posse credantur. Illi ergo qui tam impie subuersi sunt, nec fidei certæ, nec firmæ spei sunt. Alii luxuriæ, alii auaritiæ student, & cum sensuum suorum affectibus seruiant, virtutibus vacui & ad vitia proni efficiuntur. Recedente enim domino de templo cordis eorum, non relinquitur lapis super lapidem, qui non defruatur. Vsq; adeo Barrabam. i. diabolum sibi dimitti gaudent, vt eundem Christo domino, qui pro ipsis crucifixus est, anteferre non dubitent. Attendant tamen

si nondum penitus obsurduerunt, & cognoscant, ad se quidem omnia illa pertinere, quæ salutarem doctrinam nolentibus admittere, minatus est Christus dominus. ad illos enim quos iustitiæ suæ doctores constituit, & ad prædicandum gentibus destinavit, dixit, Quicumque non receperint vos, neque audierint sermones vestros, exeuntes foras de domo vel ciuitate, excutite puluerem de pedibus vestris. Amen dico vobis, tolerabilius erit terræ Sodomorum & Gomorraeorum in die iudicii, quam illi ciuitati. Sodoma enim & Gomorra ante euangelium subuersæ sunt, at isti vltro oblatum respuunt ac repellunt, dum præceptis eius contraria operantur. Omni-ram mentis peruersæ cæcitatem. Non vident quam labile bonum sit mundanæ luxuriæ voluptas cui adhærent, quam firmum & stabile cæleste regnum quod contemnunt, quam graue perpetuumque malum infernalis cruciatus, quem mox subire coguntur. Sed iam istos in damnationis interitum tam perinaciter currentes relinquamus, cum etiam ab ipso omnium domino relictum esse videantur: & illis pro tempore consulamus, qui ad capeffendas accedunt virtutes, vt in eo bono quod semel sibi proposuerint, constanter perseuerent. Sicut enim in vitis obdurare perniciosissimum est, ita in bene viuendi cura minus esse constantem, turpe indecorumque habetur.

Mat. 10

De animi constantia Ca. XII.

Firmum ac stabilem esse oportet dei seruum, nec iniuria lacesitum irasci, nec laudatum insolenter efferr. Vtrunque præstitit mulier illa Chananaea. Cum enim canibus compararetur, quibus non erat concedendus panis filiorum, non est indignata, sed magis semet submitit, dicens, quod etiam catelli micas panis comedant, quæ de mensa cadunt dominorum. Rursum cum responsum domini accepisset, Magna est fides tua, fiat tibi sicut vis, nequaquam tantæ commendationis gloria sese extulit, sed potius eandem humilitatem, quam

Matt. 15